



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

Articulus VII. De Beneficiatorum dominio

urn:nbn:de:hbz:466:1-40013

recreandum ejus olfactum , aut exhibeat spectaculum pretio dignum , aut vechat secum in curru , aut si per manus Religio- si projecteret gemmam pretiolam in Mare , hoc casu Religiosus in consideratione phy- sica non habet se merè passivè , at benè in aestimatione morali , cum moraliter seu Prudentum judicio perinde sit , ac si Do- minus ipse gemmam abjiceret . Idem est , si Dominus dat Religioso pecuniam , quam reddit tertia personæ sine utilitate in ipsum redundantem , aut Nomine Domi-

ni largiatur pauperibus ; censetur enim purum Domini instrumentum : econtra quando Religiosus se non habet , aut phy- sice , aut moraliter merè passivè , neque ut purum instrumentum circa aliquas ope- rationes , sed eas in commodum suum vertit per activem , in qua in morali æ- stimationi sed habet activè , peccat contra votum paupertatis , qualiter diximus pau- lò ante se habere Religiosum sine Li- centia prandentem apud saecularem ,



§. XVII. Dissertationis I. Articuli VI.

Quinque sequelæ contra votum paupertatis & totidem Pro- positiones de paupertate in Societatis Scholis doceri yetitæ.

DE his sequelis & propositionibus vide à num. 393.

ARTICVLVS SEPTIMVS.

De Beneficiorum Dominio.

§. I.

De Triplici genere honorum Clericorum.

60. **C**lericorum bona sunt Tripli- cia: Primò Patrimonalia ut acquisita titulo hæreditatis , Artis , Laboris , Contractus , &c. Se-

cundò quasi Patrimonialia , quæ Clericis in fidelium gratiam occupatis dantur non tanquam fructus beneficij , sed ut merces laboris E. g. pro lectione Missæ , Concio- ne ,

ne, Funere, Sacramentorum Administratione, quo probabilius spectant distributiones pro praesentia, seu ea portio, quæ Canonis ad Divina in Choro praesentibus dantur, et si portiones ejusmodi sint extractæ ex redditibus Ecclesiæ, nam etiam tales sunt laboris stipendium, proinde profanantur ab Ecclesiæ, id est traduntur Clericis sine obligatione easdem expendendi in pias causas, sicut hoc modo profanatur ea pars, quam dat Ecclesia pauperibus, cantoribus, &c. Lugo Disput. 3. n. 24.

Item ut probat Haunoldus tom. 1. tratt. 4. num. 87. Contra Navarrum Azor, &c. redditus Capellaniæ tam collativa seu inamovibilis, quam non collativa sive amovibilis accensendi sunt, quasi Patrimonialibus, quia ex intentione fundatorum censentur esse missatum stipendia. Item proventus Vicarij temporalis sunt quasi Patrimoniales.

An fructus commendæ & pensiones sunt bona quasi Patrimonialia decidetur num. 66.

Tertiò sunt bona Ecclesiastica, sive beneficiaria; hæc secundum originem spectant directè ad ipsam Ecclesiam, suntque ea, quæ primitus à fidelibus sunt oblata, aut incorporata, sive ea sunt mobilia, ut vasa sacra sive immobilia ut prædia, horti, decimæ, &c. Ad ministrorum sustentationem.

In primitiva Ecclesia fuerunt hæc bona communia pro indigentibus Can. Quoniam quidquid causa 16. q. 1. Hanc vivendi rationem introduxerunt Apostoli Hierosolymis degentes non recipientes ultra stabilia (non quod non licebat, sed quia non expediebat, eo quod ob persecutions in Iudea Ecclesia esset transferenda

ad gentes) hinc fideles prædia sua vendentes pretia eorumdem offerebant Apostolis, fuerantque assignati Diaconi, qui ea singulis distribuerent, & superflua pauperibus erogarent, ut habetur Act. 4. & 5.

At postquam persecutio fuit superta, & Principes sæculares facultatem dedebunt profundi Evangelium, crescere que multitudo fidelium, ac Ministrorum, expediebat habere prædia, seu bona etiam immobilia, ex quibus perpetuo provideretur Ecclesijs, bujusque Ministris more veteris Ecclesiæ ex mandato DEI in singulis tribubus possidentibus prædia Sacerdotibus, ut constat ex c. 34 Numerorum cap. videntes causa 12. q. 1. Ubi Urbanus Papa fatetur tunc adhuc Clericos ex his bonis nihil proprium habuisse, sed alebantur in communi ex communibus Ecclesiæ redditibus, unde inquit Gormaz Disput. 8. n. 415. Canonici Regulares dicebantur: postea cum Clerici ægre carerent bonis proprijs, fuit jis permisum dominium Patrimonij eā tame lege ut proprium possidentes nihil acciperent ex destinatis in sustentationem pauperum Clericorum, ac Laicorum.

Tandem aucto numero Clericorum cessavit communis eorum coabitatio, bonaque Ecclesiæ cœperunt dividi in 4. classes. Primà erat pro mensa Episcopi, Secundà pro Ecclesiæ fabrica. Tertià pro Eleemosynis in pauperes, peregrinos, aut pro causis pijs Quartà pro mensa capitulari, ut ea inter Clericos Beneficiarios pro singulorum dignitatibus dispensaretur.

Divisio hæc cœpit sub Annum 471. sub Simplicio Papa Can. de redditibus causa 12. q. 2. Ubi jubet ut Gaudentius Epi-

Episcopus, qui triennio tres Reliquas portiones sibi tantummodo vendicabat, restituat, quia inquit Glossa verbo *triennio*, licet per triennium possederit res Mobiles Ecclesiarum, furtum commisit.

Verum hæc divisio non fuit constanter observata: unde factum, ut pars pauperum teste Palao in nulla ferè Ecclesia intacta reperiatur, hodièque ignoretur, quo devenerit, an cum Episcopi, aut Clericis portione sit confusa? an nova inde erecta beneficia? aut an ad sacerulares pauperes pervenerit? Ubi Notandum, quod esse bona pauperum non sit quid essentiale, ac intrinsecum ipsis bonis: si enim ita esset, etiam postquam pauperibus dantur, retinerent hanc naturam, proinde nequirit expendi ab ipsis, nisi in pias causas contra omnes igitur possunt profanari, id est, cessare obligatio ea expendiendi in causas pias. His præmissis.

61. Certum est primò Clericos habere plenum dominium Patrimonialium, & quasi Patrimonialium, quia nullus adimit eis horum proprietatem, & quidem de Patrimonialibus est indubitatum, de quasi Patrimonialibus plerique sentiunt Canonistæ id ipsum contra Innocentium & Abbatem: Ministri enim Ecclesiæ non debent esse deterioris conditionis, quam sacerulares. Hi autem acquirunt stipendiorum proprietatem: atqui per n. 60. quasi Patrimonialia sunt quasi stipendia. Hinc.

Certum est secundò si Beneficiarij ex præfatis bonis vixerint, posse eos uti compensatione ex fructibus beneficij (nisi forte expressè intenderint non uti compensatione, quod non est facile præsumendum, cum nemo privet se jure suo) nemo enim tenetur militare propriis stipendijs.

Certum tertio quod bona beneficia, seu Ecclesiastica stabilia, &c. non sint in dominio Ecclesiasticorum in particulari, probabilius tamen est eorum dominium esse penes communiteatem Clericalem, administrationem autem eorumdem esse penes particulares nempe Episcopos, Capitula Præpositos, &c. per n. 31.

Difficultas est de redditibus bonorum, ex quibus erecta sunt beneficia, quis sit eorum Dominus Proprietarius. Communior veròque sententia Theologorum contra plures Canonistas responderet ipsos Beneficiarios esse Dominos quoad eam partem fructuum, quæ congruæ sustentationi est necessaria. Ratio est, quia hæc pars est justa eorum merces, quam spectare ad eos ut Dominos est proxime dictum, unde dicitur Luke 10. *Dignus est operarius mercede suâ* & 1. Corint. 9. *Qui militat stipendijs suis unquam nesciit, quoniam, qui in Sacrario operantur, quæ de Sacrario sunt, edunt & qui altari deserviunt, cum altari participant:* Hæc omnia stabiliuntur Cap. cum sit Romana. De Simonia.

Rectè autem monet Navar. de redditibus q. 1. monito 43. Quod sicut verum pretium non est indivisible sed habet latitudinem, nempe datur infimum, medium, & summum, ita etiam congrua sustentatio suos habet gradus, unde sicut quisque licet potest vendere rem suam pretio justo summo, ita potest pretium summum congruæ sustentationi necessarium appropriare sibi beneficiarius, proinde si sustentatio congrua se, suamque familiam sustentandi sit E. g. florenorum 500. media erit 600. summa 700. unde potest facere suos quarannis 700. florenos, consequenter quidquid ex his remanserit.

manserit parcus vivendo; quam potuerit
licet, spectabit ad quasi Patrimonialia,
consequenter poterit de iis licet dispone-
re etiam per testamentum in quosvis u-
sus de se non malos etiam profanos Lugo-
num. 53.

Dicitis quod habentes Patrimonium bene-
ficiarij non teneantur vivere ex eo, sed ex
fructibus Ecclesiasticis non obstat D. Hiero-
nymus relatus *Can. quoniam quidquid.*
causa 16. q. 1. Sic loquens: qui autem
bonis parentum sustentari possunt, si
quod pauperum est, accipient, sacri-
legium profecta committunt, & per a-

busionem talium judicium sibi mandu-
cant, & bibunt. Non obstat inquam,
quia ut glossa ibi notat: loquitur de Cle-
ricis non servientibus Ecclesiae, quibus
etiam primis temporibus sustentatio daba-
tur ex relicta portione pro Eleemosynis.
His ut certis stabilitis,

Controversia tota superest deciden-
da, an reddituum superfluorum, hoc est,
excedentium summam quantitatem con-
gruæ sustentationi necessariam Beneficia-
rii sint Domini, & in quales usus possint,
debeantque expendere: Sit itaque.



S. II.

An Beneficiarij sint Domini reddituum superfluorum.

62. **N**egat Navarrus post Archidiaco-
num, quam sententiam fusissi-
mè propugnat P. Gormaz hic *Disput. 8.*
à n. 431. ad n. 483. concedens Beneficia-
rios reddituum superfluorum esse Dominos
adæquatos adæquatione objecti, se ùs a-
dæquatione juris: Unde negat esse plenos
Dominos: dicit enim, quod ubi non ex-
stat distincta portio pro pauperibus à fru-
ctibus Beneficij, portio eorum sit com-
mixta, & confusa cum hisce fructibus,
hoc casu Beneficiarius acquirit jus ad to-
tum non totalitate juris, quia debet ex eo
toto extrahere aliquid, & ex justitia dare
pauperibus, sed totalitate objecti: ad hoc
enim satis est, quod bona extrahenda pro
pauperibus, ita sunt commixta suis, ut
nequeant decerni. *Argumento expresso.*

si alienis nummis ff. de solnt. & libera-
tionibus, ubi deciditur alienos numeros
meis commixtos, quin possint discerni,
fieri meos: nihilominus ex justitia debeo
eos restituere illi, cuius erant: sic si su-
stentationi congruæ aliquid supersit Ben-
ficiatis, hoc ex justitia debetur pauperi-
bus: consequenter hi habent ad id jus
proprietas ad rem, ut urget Praefatus
Author.

Affirmat communior Theologorum,
& Canonistarum ultra 50. citantur apud
Haunoldum *tom. 1. tract. 4. n. 58.* in-
ter quos Prosper Fagnanus celebris Cano-
nistæ.

Dico primò ubi reperitur etiamnum
portio pauperum seorsim assignata, de-
bent Beneficiati ex justitia eam expendere
in

in pauperes, proinde non sunt ejus pleni Domini, sed Administratores (ut habetur in Can. 39. ex Apostolicis) Procuratores (ut Can. si privatim. Causa 12. q. 1.) Defensores, & Patres ut notat Glossa ad citatum proxime Capitulum, & si bene administrantur, habentur loco Domini, si male loco Prædonis. Hinc simplicius Can. vobis causa 12. q. 2. præcepit Gaudentio Episcopo tres alias portiones sibi applicanti restituere easdem, ubi Glossa verbo triennio monet eum in his portionibus commissile furtum, quia erant distinctæ à sua. Huc spectant bona hospitalium utpote principaliter attributa necessitatibus pauperum, & ex consequente necessitatibus Ministrorum, ut expressè tradit S. Thom. Quodl. 6. Art. 12. ad 3. Conclusio per se patet.

Dico secundò Beneficiarios esse plenè Dominos superfluorum fructuum, ubi post erecta Beneficia non reperitur portio seorsim assignata Pauperibus: ita cit. D. Thomas. *Aliter inquit de illis bonis, quæ sunt principaliter attributa usibus Ministrorum, sicut sunt præbenda Clericorum, & alia hujusmodi, in quibus non committitur peccatum, nisi per abusum, unde non tenetur quis ad restitutionem, sed solum ad pœnitentiam agendam.*

Probatur primò si Beneficiati faciunt fructus suos, acquirunt plenum eorum dominium, sed Beneficiati faciunt fru-

ctus suos. Major probatur, quod fieri Dominum, & facere rem suam convertantur per cap. unicum de Clericis non residentibus in 6. Ubi Bonifacius 8. dicit, quod à Divinis absentes distributionum Dominium non acquirant nec faciant eas suas. Probatur etiam Minor ex Tridentino Sess. 23. c. 1. de Reform. Ibi: *Si quis autem, &c. Circa medium statuente in non residentes, quod fructus non faciant suos, ergo à contrario sensu, residentes faciunt fructus suos.*

Confirmatur. Si non essent veri Domini Trident. Sess. 25. c. 1. de Reform. Non tam severo præcepto eis interdixisset, redditum profanationem, sed declarasset non esse veros Dominos, proinde jure naturali teneri expendere in pauperes.

Probatur secundò: Quamdiu est dubium jus ad superfluos fructus in pauperibus, tamdiu non est Beneficiarijs imponenda certa obligatio justitiae dispergendi eosdem inter pauperes, sed ubi non exstat separata portio pro pauperibus, in his est dubium jus ad fructus superfluos, cum ignoretur, quo devenerit per n. 60. in fine nec id agnoscit citatus D. Thomas, neque Pontifices scientes nostram sententiam practicari obligant ad rescindenda pacta, donationes, expensasque in usus profanos ex superfluis, deberent autem rescindi, & justitia administrari tot miseris personis, quales sunt tot milleni pauperes.



§. III. Dissertationis I. Articuli VII.

An doctrina Superior procedat etiam de Religiosis Episcopis, & Promotis ad beneficium inferius Episcopatu.

DE hoc vide à num. 397.

§. IV.

Satisfit objectis contra numerum 62.

63. **O**bicies primò multos Canones, sententias Patrum, & Conciliorum, quibus dicunt bona superflua Clericorum esse Pauperum: Clericos non esse Dominos, sed Administratores, Procuratores, &c. eosque si in profanos usus expendant esse fures, & sacrilegos, sed si ita est, pauperes habent jus ad rem relatè ad superflua, proinde Beneficiarij non sunt plene eorum Domini. Ergo, Resp. Primò si Adversarij ex Canon. sanctis Patribus &c. Volunt evincere intentum, debent etiam ipsi negare Beneficiatos esse Dominos congruæ sustentationis, habentes Patrimonium: nam ut habetur Can. Clericos causa prima. q. 2. S. Hieron. scribens ad Damasum Papam ait: Ecclesia stipendijs sustentari convenit eos Clericos, quibus nulla Parentum suffragantur bona: qui autem bonis pareutum possunt sustentari, si quod pauperum est, accipiunt, sacrilegium committunt. Et S. Prosper, Gan. Pa-

stor Ecclesie citato loco dicit: Nec illi, qui sua possidentes dari sibi aliquid volunt, sine grandi peccato suo, unde pauper vulturus erat accipiunt, & tamen Adversarij concedunt nobiscum Beneficiarios esse Dominos congruæ sustentationis: quis neget sæculares esse plenè Dominos superflorum? & tamen simili loquendi modo utitur D. August Epist. 50. ad Bonifacium comitem virum militarem relatus Can. final. c. 12. q. 1. § privatum, inquit, possidemus, quod nobis sufficiat, non illa nostra sunt, sed pauperum, quorum procuratione nobis usurpatione damnabili, vindicamus.

Resp. Secundò Canones aliquos conditos esse ante factam divisionem, quo tempore erant omnia communia Clericis; aliquos loqui post divisionem, ac erecta Beneficia pro casibus, in quibus constabat de portione separata pauperum: idcirco simplicius Gaudentium Episcopum obligabat ad restitutionem per numer. 60.

Alios

Alios loqui de bonis stabilibus, ac proprijs Ecclesiarum quorum proprietas non est penes Clericos in particulari sed in communi per numerum 61.

Pariter explicandi sunt sancti Patres, quorum aliqui intelligendi sunt de casu necessitatis extremæ, in qua, ut videbimus sic egentes habent jus ad rem, & potentes ex justitia tenentur sublevare illos. Deinde Patres aliquos loqui hic exaggerativè passim notant Theologi cum Vasq. Lugo, &c. Sicut D. Bernardus Epist 2 Art. 4. & lib. de considerat. ad Eugen. Pontificem Laicos Divites pauperibus non subvenientes vocat homicidas.

64. Objicies secundò cum Gormaz ea obligatio stringit Beneficiatos, quam omnes sancti Patres supponunt, atqui obligationem superflua expendendi ex justitia in Pauperes omnes Patres supponunt, ut August. ad Bonifacium Comitem Epist. 50. Hieronym. ad Damasum relatus Cap. quoniam quidquid causa 16. q. 1. Quoniam inquit quidquid habent Clerici, pauperum est. Hinc expendentes Clericos in profana vocant fures, sacrilegos.

Confirmatur primò si Beneficiati essent Domini superfluorum, forent vel jure Hæreditario, vel donatione, neutrum dici potest: de primò est certum. Secundum probatur, quod bona Ecclesiæ sint bona DEI per Trident. Sess. 25. c. 1. de Reform. Sunt Patrimonium Christi, nec Ecclesia valeat donare bona superflua, cum duxaxat ea administraret: unde habetur Can. non liceat, causa 12. q. 2. Non liceat Papa prædium Ecclesia alienare.

Confirmatur secundò Res DEO consecrata soli administrationi, secùs Dominio Clericorum subsunt; sed etiam por-

tio destinata sustentationi. Ministerorum est res DEO consecrata: Nam S. Thom. 2. 2. q. 99. Artic. 3. Corp. Quadruplicem speciem sacrilegij seu irreverentiae contra rem sacram tradit pro totidem generibus rerum sacram videlicet rerum, ut sunt Sacraenta, vasa ac reliqua DEO consecrata, item locus sacer, ac personæ sacrae, demum ea, quæ sunt, inquit D. Thom. deputata ad sustentationem Monasteriorum, sive sint mobilia, sive immobilia, quicunque autem quodcumque predictorum peccat, crimen sacrilegij incurrit.

Resp. C. Ma. n. Mi. ad cuius probationem dico exaggerativè dici Ecclesiasticos ex superfluis non succurrentes gentibus esse fures, sacrilegos, Raptore: idque patet primò ex D. Bernardo relato in fine num. 63 August. est contra Adversarios: loquitur enim ad Laicum per citatum numerum. Si sanctus Hieronymus citatus stricte intelligendus est, sequitur, quod etiam Patrimonialia, & quasi Patrimonialia Clericorum spectent ad pauperes contra Adversarios, igitur exaggerativè loquitur, ut manifeste colligitur ex alijs ejusdem verbi relatis. Can. hospitalem distinctione 42. Ibi: Aliena rapere convincitur, qui ultra necessaria continere probatur. Præterquam quod S. Hieronym. Ambros. & August. præcesserat Simplicium Papam, sub quo primum facta est divisio bonorum Ecclesiæ. ante quod tempus fuerunt communia:

Ad Confirmationem primam dico Beneficiatos factos esse superflorum Dominos per ipsam Divisionem, dum decimarum fundorumque redditus eis in partem sustentationis sunt assignati clareque probatur ex D. Thoma 2. 2. c. 185. Art. 7.

in 3.

13

In 3. Ibi: De his autem, quae sunt specialiter suo usui deputata, videtur esse eadem ratio, quae de proprijs bonis (quantum ad hoc, quod est eorum dominium possidere, ut scilicet, propter indeterminatum effectum, & usum peccet quidem, si immoderata sibi retineat, & alijs non subveniat, sicut requirit debitum charitatis.

Ad id, quod dicitur de bonis Ecclesia esse res DEI, & Patrimonium Christi, constat ex numero 31. quae phrasis perfissimum tangit ipsas Ecclesiarum fundationes, unde etiam expedit, ut fructus inde collecti pro sustentandis Ministris superflui, expendantur in cultum DEI, & pauperes, qualiter esse expendendos juxta canones dicetur à §. sexto circa tamen obligationem justitiae.

Ad Confirmationem secundam negotio Ma. si sermo sit de fructibus. Ad Minorem, & ad Authoritatem S. Thomæ. Resp. Eum loqui de deputatis ex consequenti in sustentationem Ministrorum, principaliter autem attributis necessitatibus pauperum, ut sunt bona hospitalium & alia hujusmodi ex doctrina D. Thomæ in fine num. 61. relati: Similia enim bona sunt DEO consecrata, proinde eorum abusus est sacrilegium, secus principaliter data in usum Ministrorum ut numero 62. ex eodem, & ex proximè citato articulo patet.

65. Pro Reliquis soluen dis Nota primo. Constat ex numero 62. respectu quorum bonorum Beneficiati sunt Procuratores, dispensatores, &c. Secus bonorum, ipsis applicatorum, vel etiam si respectu horum diceridi sint tales, id non sit defectu Dominij, sed quia ex obedientia, & charitate debent erogare pauperibus, qua etiam de-

causa dicuntur esse Pauperum, Christi, que Patrimonium. Deinde dicuntur sic pro tempore nondum divisum erectorum Beneficiorum, ac etiam post divisionem de his bonis, de quibus constat assignata ea esse pauperibus.

Nota secundò ex bonis illis pauperum, ubi de his non liquet sunt probabiliiter erecta beneficia, aut hospitalia, aut alia pia loca a iurisdictione Pontificum, aut cum ea portio lege humanâ debuerit ex justitia Pauperibus dari, potuit contra dicta consuetudine abrogari juxta Vasquez Lugo &c.

Nota tertio negari in beneficijs, ubi non existat portio pro Pauperibus esse commixta cum portione beneficij consequenter etsi pauperes ante erecta beneficia habuerint jus ad eam, non sequitur habere jus adversus tales Beneficiatos, cum enim ignoretur cui sit applicata, Clericis, an secularibus Principibus, &c. Pauperes non plus juris habent contra Clericos, quam secularares, igitur dejecti sunt de jure suo (non per commutationem, hoc enim incumberet probandum Clericis, non per commixtionem, hoc deberent probare Pauperes) sed vel creatione novorum beneficiorum, aut contraria consuetudine, ut proximè dictum.

Nota quartò quod de jure communni de redditibus Ecclesiasticis sint vetita testamenta non probare eos non subesse Dominio Clericorum adiquato adæquatione etiam juris, ut patet in pupillis filijs familiis, fidei commissariis, qui sunt Domini pleni prohibiti testari.

Nota quintò si Beneficiatus facit aliquos fructus suos, nulla est ratio negandi de ceteris, non est paritas ab herede, de quo sic objicitur, heretatem,

tatem, ergo adeundo hæreditatem facit omnia sua, non enim legata facit sua. Disparitas enim est, quod constet de voluntate testatoris, ut legatum transeat ex justitia ad legatum uti & in fidecomisso, ut ex justitia jus totum migret in tertium.



§. V.

An fructus commendæ & pensiones Patrimonialibus adnumeranda, & in quo sita sit congrua sustentatio.

66. **C**ertum est primò Beneficiarios posse quovis modo de se lito disponere de Patrimonialibus, & quasi Patrimonialibus *ex numero 60. & 61.* Dubitatur primò an quasi Patrimonialibus accendi sunt fructus commendæ, quæ a liud non est, quam facta alicui commissio cum temporali emolumento: si fit cum spirituali administratione, dicitur spiritualis commendæ, ut fit, dum alicui committitur cura Ecclesiæ, non in titulum, sed commendatur illi, si verò fit ad ministerium temporale, aut alio titulo mè laico in stipendium, & præmium militia, uti fit in commendis militaribus, dicitur secularis, seu militaris.

Resp. Ad dubium negativè de fructibus commendæ spiritualis cum Lugo. *Disput. 4. n. 33.* & communī quia commendator succedit Beneficiatis in horum munere, ergo etiam in corundem oneribus, affirmativè verò de fructibus commendæ laicalis, quia in his commendis militaribus D. Jacobi Alcantara, &c. Fructus sunt pura stipendia pro servitijs temporalibus, ita Moya in appendice ad questionem selectarum ad tract. 6. *Disp. 6. q. 2. §. 6. n. 28.* post Soarez, & Palao, &c.

Dubitatur secundò de pensionibus, an inter quasi Patrimonialia reponendr? est autem pensio jus percipiendi fructus ex alieno beneficio justa de causa ad tempus, vel in perpetuum. Est triplex, nempe purè Laicalis, seu data ob titulum mercè sæcularem ut quæ militaribus equitibus, aut Principibus ab Ecclesia conferuntur ob merita ab ipsis, aut eorum majoribus exhibita, aut imposterum sperata, hoc titulo Reges Hispaniæ ex omnibus ferè beneficijs tertiam partem fructuum percipiunt, hic spectat portio ob munus temporale collata Cantoribus, Procuratoriis & Advocatis Ecclesiarum.

Secunda est Ecclesiastica, seu spiritualis propter munus seu Ministerium spirituale obeundum, talis est assignata Coadjutori Episcopi aut Parochi senis, aut pro alio munere spirituali.

Tertia est, quæ absque titulo Clericali datur Ecclesiasticis, ut fit in permutationibus, & renuntiationibus Beneficiorum, aut in Compositionibus, nempe dum lis componitur super orto in Beneficijs dubio Sanch. *lib. 2. Consil. c. 2. dub. 47.* Addens hanc etiam non dari proullo

Officio

Officio temporali per viam stipendij , sed litis componenda ratione permutationis , vel resignationis , &c.

Ad dubium *Resp.* Negativè universaliter Navarr apud citatum Sanch. quia res transiunt cum suis oneribus. Affirmat universaliter Lugo n. 32. post Vasq. quia Trident. *Sess. 25. c. 1. de Reform.* Extendit obligationem expendendi superflua ad omnes Beneficiarios nulla factâ mentione Pensionariorum : hujus ea ratio videtur esse , quod Pontifex impendendo pensionem Beneficio eam portionem frumentum pie expendat etiam dum datur secularibus ob merita erga Ecclesiam , aut pauperi Clerico ut sustentetur , aut in Beneficiariorum permutationibus ob bonum pacis : Hæc opinio est tuta.

Resp. Laicalem pensionem esse bonum quasi Patrimoniale , quia est merces laborum , ac remuneratio ; Ecclesiasticam verò tertij generis probabilius habere annexum onus , quale annexum est redditibus Beneficiariorum , quia cum ex his extrahatur , trahit secum eandem obligationem : per hoc enim quod extractio sit pia , non sequitur cessare obligationem superfluum pie expendendi , ut patet in Generali Ecclesiæ applicatione , in beneficiariorum partitione , quæ etsi fuerit pia , non tamen portio fructuum jisdem assignata est profanata , seu non cessavit obligatio superfluum pie expendendi.

Limita Responsionem , ut non procedat in casu , quo pensio est Eleemosyna , ut dum pauperi Clerico assignatur.

67. Certum est secundò posse Beneficiarios liberè disponere sive in vivis , sive in mortis causa de congregatis ex congrua pro sustentatione vitæ portione par-

cius vivendo per n. 61. Hæc doctrina est vera etiam in Beneficiarijs , Episcopis Regularibus , hi enim non minus quam secularis inter vivos in quæcunque opera , & qualitercunque expendere possunt id , quod parcios , quam juste possent vivendo coacervarunt , ita Sanch. *lib. 6. moral. c. 6. n. 14.* Etsi enim Beneficiarij Episcopo inferiores non sint Domini etiam congrua sustentationis , justa tamen est præsumptio de Ecclesiæ consensu , siquidem id totum in usus proprios expendi poterat.

Porrò congrua sustentatio extendit se non tantum ad sufficientiam personæ , sed etiam ejus familiæ , ac pro moderatis convivijs , donationibus , ac remuneratiibus secundum rationem statutis ; pro conciliandis animis , ac custodienda benevolentia ; pro parentibus , & consanguineis , ut possint vivere honestè absque dedecore Beneficiarij. Unde Episcopus habens propinquum nota inferioris , cum hic ratione conjunctionis elevetur ad statutum altiore , potest ei dare necessaria ad decenter vivendum intra eum statutum (nempe aliqualem altiore , secus tantum , quantum ex Patrimonialibus Sanch. *lib. 2. Consil. c. 2. dub. 38.*) hoc enim non est ditare consanguineos , quod cit. Trident. prohibet , sed occurtere indigentie secundum illum statutum ; quæ ratio etiam probat posse illis stabiliri moderata media non solum pro eorum vita sed etiam pro successoribus in perpetuum , hæc enim dispensatio est usus pius , Moya in Appendice ad questiones selectæ ad tract. 6. *Disput. 6. q. 2. §. 4. n. 17.* post Sotum Sanch. addit n. 18. ex Navar. Molin. Sanch. quod Clericus humili loco natus ad magnam postea dignitatem evectus possit ex fructibus Eccle-

Ecclesiasticis suis consanguineos juvare, ut instar civium honestorum vivere possint.

Si Beneficiatus est litteratus aut nobilis potest plus insumere etiam habens Patrimonialia, dummodo ejus scientia, aut nobilitas sit Ecclesiae utilis, quia sic mereatur majus stipendium quod habere latitudinem diximus n. 61. Ita Anic. hic D. 14. n. 63. Lugo n. 53. & a 60. Recte præmittens n. 54. congruam sustentationem non esse aequalem quoad omnes Beneficiatos, sed pro diversitate qualitatis, loci, temporisque diversam esse, unde Episcopus potest plus insumere quam Decanus capituli, hic plus quam Canonicus, plus Canonicus principis Ecclesiae quam Parochus, communiter tamen adverunt D. D. Quod nobilitas nequeat honestate, ut si habeat patrimonium usurpet tantum ex fructibus, quantum est necessarium ad splendorem statutus, sed aliquanto plus potest insumere ex redditibus; Catenus autem Patrimonio potest inquit Haunold. *Tract. 4. a n. 93.* Ex redditibus accipere, quantum requirit statutus conditio: quia dare expensas pro qualitate statutus indigentis est opus pium, proinde juxta mentem Ecclesiae. Ex hoc fundamento dispensatur in pluralitate Beneficiorum incompatibilium, quæ ratio cum cesseret, dum adeat Patrimonium sufficiens, idcirco indecens foret splendorem tueri bonis Deo consecratis, bene autem limitat Lugo n. 61, quod etiam destitutus Patrimonio nobilis e. g. Princeps nequeat more fæcularium se suosque alete, sed intra terminos decentiae statutus.

Litteratura, proper quam Canones, & jura plus concedunt pro honesta susten-

tatione, denotat non mediocrem, sed solitam, & insignem doctrinam, & talis æquiparatur sublimibus, & nobilibus ita Raffenstuell de pecul. Clericor. n. 79. Unicus talis ignatos instruendo, dubijs consulendo, iuris Ecclesia defendendo, damna præcavendo, plus Ecclesiae prodest, quam plures alii non solidè docet.

Dictum est n. 61. versu *difficultas est &c.* Beneficiarios esse dominos congrue sustentationis, & quidem etiæ habeant patrimonialia, ex quibus valeant alimentari per dicta ibi versu. *Dictis quod habentes &c.*

Unde sic ait Less. *Lib. 2 c. 4. n. 38.* Sequitur si de patrimonialibus vivant, aut expendant, postulat tanudem accipere in compensationem ex fructibus Beneficij, & de eo tanquam de patrimonialibus disponere. Idem dic si patrimonialia durante beneficio converterint in pia opera, non enim est obligatio Patrimonialia pie expendendi, proinde pie expensa ex fructibus Beneficij possunt compensari, nisi forte intenderint non uti compensatione, quod non est presumendum, nisi expresse voluerint sibi adimere libertatem compensandi, ita Less.

Contra hanc limitationem arguit Lugo de justit. D. 4. a. n. 15. Et ex illo Moya in appendic. Ad select. Quæstiones ad tract. 6. Disput 6. q. 2. §. 6. n. 30. Quod propositum non compensandi, seu intentio expendendi in pios usus fructus etiam congrue sustentationi correspondentes nullam de novo inducat obligationem ultra illam, quæ obligat ad dispensandum in pios usus id, quod congrue sustentationi congruit, quia nec habet vim voti, nec juramenti, ergo etiæ proposuerit Bene-

K

Beneficiarius se non compensaturum, di de necessariis ad congruam susten-
nihil præjudicavit dominio fructum, tationem. Opinionis huic etiam ego
nec ademit sibi libertatem disponen- subscrivo.



§. VI.

De modo expendendi superfluos Beneficij redditus.

68. **C**ertum est spectato jure communi
Beneficiatos non posse etiam in
pias causas testari, aut mortis causa di-
sponere, sed debere relinquere Ecclesiæ
in talia bona succedenti cap. ad hoc de-
testam. ibi. Clerici de mobilibus, quæ
per Ecclesiam sunt adepti, de jure te-
stari non possunt: à fortiori dic de immo-
bilibus, ut declarat cap. Relatum 12.
eodem. Ratio autem est, ut Beneficiati
majore cum merito superflua in causas
pias erogantes, dum vivunt, affectum à
temporalibus abstrahant.

Spectare autem ad Ecclesiam ea, de
quibus vivi non disposuerunt, habetur
ex cap. cum in Officijs eod. juncto cit.
cap. relatum, in quo etiam exprimitur,
quod in ultima ægritudine constituti; de
talibus bonis tam pauperibus, locisque
Religiosis, quam etiam suis inservienti-
bus quidpiam elargiri possint, ibi: *Con-*
suetudinis tamen non est improbanda,
ut de his (bonis mobilibus per Ecclesiam
acquisitis) pauperibus, & Religiosis
locis, & ijs, qui viventi servierant,
sive consanguinei sint, sive alij, aliqua
nxta servitij meritum conferantur.

Dixi spectato jure communi, quis
Pontifex de talibus bonis facultatem po-
test concedere, ac sèpè concessit, sic Pau-
lus Quintus 16. Aprilis Anni 1606. in
Constitutione: *in Eminenti omnibus*
curialibus intra 10. millaria Romani
districtus extra residentiam non decedenti-
bus indulxit, ut de quibusvis preventibus
Ecclesiasticis, cujusvis qualitatis, &
quantitatis valeant liberè testari, hære-
désque etiam consanguineos, & quasvis
alias personas etiam extraneas instituere,
& si ab intestato decedant, eadem bona li-
berè ad hæredes devolvantur. Idipsum
prius constituerat Julius Tertius An-
no 1540. *idibus May in Constit. cupien-*
tes ut Alma Urbs nostra. Ante utrum-
que Præfatum Pontificem idem jus indul-
xit Sixtus IV. *Constit. Etsi universis e-*
dicta Calendis Januarij 1474. Tribus
ergo diversis facultatis Pontifices diversi a-
gnoverunt se posse in hoc dispensare.

Hinc juxta jus commune humanum
ideoque solum (ut vult Amicus de just.
Disput. 14. n. 73. Clerici invalidè testan-
tur de superfluis redditibus, corùnque
testamenta annullat Paulus III. Julius III.
Paus.

Paulus IV. Gregorius XIII. statuentes, ut omnia Clericorum Spolia Chorum Nomine veniunt omnia Clericorum bona ex redditibus ultra congruam sustentationem remanentia pertineant ad Cameram.

Verum cum sit juris merè humani invaliditas, opposita consuetudo valide testandi potuit induci; qualem jam esse præscriptam, & toleratam in Germania, & Hispania testatur Gervasius Brifacens. Tom. 3. cursus Theologici tract. 5. de justit: Disput. 51. q. 3. n. 92. Molin. de just. Disput. 147. Conclus. 9. Hau- noldus tract. 6. n. 299. Less. lib. 2. c. 4. n. 50. &c. 19 dub. 4. Absolute tradit ex hac consuetudine Episcopos, & Clericos de superfluis posse etiam testando disponere. Econtra putat Covarru. Hanc testandi Li- centiam solis Episcopis esse necessariam? eam verò velut moribus receptam compe- tere omnibus Clericis ita ut intestatis succedant parentes Fratres, cognati, quia inquit ubique ita servatur scientie Pontifice, & Ecclesie Principibus

Quare non irrationaliter docet Molin Disput. 142. Episcoporum spolia in Lusitania spectare ad successores, in reliqua Hispania ad cameram; Reliquorum verò Beneficiatorum in Regno Castellæ, & in tota Gallia ad heredes, non secùs, ac Patrimonialia. In Regno Neapolitano Beneficiati solent pacisci cum commissariis spoliorum de certo aliquo pretio.

In Provincijs Austria Principum esse dispensatum, ut tam Clerici quam Episcopi de bonis superfluis testari possint, & si ab intestato decedant, pars una cedat Ecclesiæ, altera successori. Tertia con- sanguineis habetur apud cit. Amicum

In styria utraque ex privilegio Imper- ratorum Friderici, Maximiliani, Fer-

dinandi II & III. Carolique Archiducis, ut etiam in districtu Neostadiensi est pra- xis, ut redditus in tres partes dividantur; una cedit successori, secunda fabricæ Ecclesiae, tercia defuncti consanguineis, & in horum defectu pauperibus. Hoc pri- vilegium reservatur apud Reverendissi- mum Dominum Archidiaconum, & Parochum Græensem cum ista clausula: Hæc testamenta condi posse pro salute animæ sue: proinde non possunt vi hujus privilegij disponere de redditibus in usus profanos.

Dices privilegium sæculare contra Canones vetantes testamenta Clericorum est irritum. Resp. Id verum esse nisi acce- dat consensus saltem tacitus Papæ, qualis hic potest præsumi, cum hæc praxis scia- tur, & impressa habeatur in Amico Authore notissimo. Responsio alia mihi occurrit.

Ex dictis de dominio clericorum Beneficiatorum sequitur primò, quod red- dituum superfluorum inter vivos in pro- fana sit valida, et si illicita secundum jus commune expositi, quia beneficiarij sunt Domini superfluorum, nec datur jus inva- lidans illam & bene prohibens.

Sequitur secundo beneficiatos posse ex redditibus altere proles suas supposito enim delicto jure naturæ sunt alenda, ut- pote spectantes ad familiam, unde pos- sunt filias dotare, & quidem secundum conditionem statutus, proinde nobilis ac di- ves Sacerdos plus, quam pauper, & ini- finie fortis. Fillius tract. 43. c. 4. n. 36. Palao tom. 1. tract. 6. Disput. 2. punt. 5. non tamen tantum, quantum ex bonis Patrimonialibus ijs in dorem dare possunt, ita citati Doctores, quibus adde Molin. de justit. Disput 146. versu de filia

filia spuria, quia nec Pater conjugatus spuriae filiae dat dotem tantam, quantam legitimam; nec æquum est, filia aut spuria Clerici non est melioris conditionis; et si Clerici sint Domini fructuum non tamen habent tantam libertatem in fructus, quantam sacerdotes in sua bona. Idem certum est posse morti vicinos inter vivos donare ad pias causas quantumcumque

summam; exsequuntur enim suam obligationem Sanch. cit. dub. 53.

Sequitur tertio posse eosdem alere solum in studijs, aut alium suum consanguineum (et si hujus Pater posset illum sustentare) proprijs destitutum ex redditibus, et si patrimonialia habeant beneficiati, quia juvare ad studia censetur causa pia Laym. Lib. 4 tract. 2. c. 3. n. 5.

§. VII.

An Beneficiati totum superfluum debeant erogare in usus pios.

69. Certum est Beneficiatos spectato jure Communi non posse profanare omnes congruae sustentationi superfluos redditus. Questio gravissima moverit, an Episcopus, aliasve Beneficiatus obligetur totum id, quod congruae, decentique secundum conditionem statu superfluit in usus pios, pauperesque in communi necessitate constitutos expendere, in Communi, inquam, quia in gravi necessitate totum superfluum esse erogandum facile consentiunt Doctores cum Petro Hurtado 2. 2. de charitate disput. 160. sect. 15. à § 305. Apud deum Diana parte s. tract. 8. Resol. 27.

Sotus lib. 10. de justit. q. 4. art. 4. post. conclusi 2. dam 5. quamvis apud Math. de Moy: in appendic. ad select. quest. ad tract. 6. Disput 6. q. 2. §. 2. & Lugo de just. D. 4. n. 10. existimat Episcopum satisfactorum suo debito, si eroget

quartam partem reddituum in pauperes, prorsus usus e. g. Si redditus sunt sexdecim millium aureorum, si medietas sufficit pro sustentatione, sequitur superflue octo millia florinorum, atque adeo si partem quartam nempe duo millia aureorum det pauperibus &c. Cum reliquis sex millibus poterit disponere ad libitum juxta hanc sententiam.

Eiusdem opinionis est Bannex 2. 2. q. 185. dub. ultimo vers. Ex dictis omnibus: Ubi censet nullum Hispanæ Episcopum esse absolvendum, nisi saltem quartam partem reddituum in Communibus necessitatibus expendat: Sæpe autem plus superest congruae sustentationi, quam quarta pars, ergo residuum non obligatur.

Consentit Hurtadus apud relatum Dian: Obligans ad partem superflui quartam, aut medietatem attestans se null-

nullum legisse, qui assignet minorem quantitatem, eos autem obligare ad maiorem quantitatem, ut dent communibus pauperibus nullum urget argumentum, præter graves aliquos Theologos quorum opinionem autumat valde duram.

Ægidius Trullenck lib. 1. in Decal. c. 5. dub. 9. n. 2. putat esse probabile, quod et si beneficium sic pingue, satisfaciat Episcopus, si clariatur pauperibus quartam partem alij vero inferiores Beneficiatij & quintam, aut sextam expendant. Resp. cum cit. &c. Lugo. ex S. Thom. quodlibet 6. Art. 12. ad 4. obligare in necessitatibus etiam communibus ad disperiendum totum superfluum in pauperes aut alios pios usus, subscribit Moya q. 2. §. 2. n. 12. Apud quem Dian. p. 7. tract. 11. Resol. 36. & p. 8. tr. 7. Resol. 12. & p. 10. tract. 11. resolut. 35. retractat quod cit. p. 5. tradidet ex Hutt. Ré que melius ponderat approbat, quod antea amplexus fuit p. 4. tract. 4. Resol. 414. Ex Jacob. Granado contr. 3. de cha-

rit. D. 3. Sect. 3. n. 22. Videlicet in pauperes, ususque pios totum elargiendum esse

Ratio desumitur ex Trident. Sess. 25. c. 1. de reform. Quem textum Theologi intelligent non solum de bonis Ecclesiæ sub pura administratione Beneficiatum constitutis, sed etiam de redditibus ex communione omnium sensu teste Lug. n. 12. & Haunold tract. 4. n. 31. Ratio autem est, quod omnes redditus sint res DEI, ut loquitur Trident. Etique unanimis consensus SS. Patrum, ergo saltem ex jure humano graviter obligante, consequenter ex obedientia debent expendi omnes in usus pios, non enim est ulla ratio, cur pars quarta pœ reliquis, sicut si ex justitia Beneficiati tenerentur erogare (ut si supponantur non esse Domini redditum) omnes superflui deberent erogati, uti omnes fateri debent.

Ob hec rei cienda est opinio relata soti Banez ij, & Hurtadi.

§. VIII.

An Beneficiati mortaliter peccent profanando redditus superfluos, & plura alia qua sita.

70. COnstat ex n. 69. Quod secundum jus commune omnes frumenti, qui concurse sustentationi superfluent, debeant dispensari in usus pios.

An hæc obligatio sit sub mortali pœcepta, hic esset resolvendum, sed cum præsens numerus foret nimis longus cum reiicio ad appendicis n. 401.



K 3

§. IX.

§. IX.

Quo jure fructus superflui sint expendendi in usus pios.

71. Conveniunt omnes Theologi, & Canonistæ ; inculcant sancti Patres, & sancti Canones, Episcopos, ceterosque Beneficiatos graviter obligari ad redditus superfluos Beneficiales applicandos pijs usibus saltem ex obedientia per n. 69. à versu Resp. ad quast. Ibi dictis addo hic ipsum textum Tridentini Sess.

25 c. 1 de ref. Quo loco penitus Episcopis, ceterisque Beneficiatis Omnino interdicit, ne redditibus Ecclesia consanguineos, familiareisque suos augere studeant, cum & Apostolorum canones prohibeant, ne res Ecclesiasticas qua DEI sunt, consanguineis donent, sed si pauperes sint, ijs ut pauperibus distribuant. Consonat Canon. Est probanda 16. dist. 86. Hæc procedunt, sive Beneficiati sint Domini reddituum sive non.

Quæstio non levis est an hæc obligatio fundetur in puro jure Ecclesiastico vel vero etiam in naturali.

Pro jure naturali stant apud & cum Raiffenstuel de peculio Clericorum à n. 53. Laym. Lib. 4. tract. 2. c. 3. n. 2. Pithing de testam. n. 42. Molin. Disput. 147. & concus. 18. Vasq. In opuscul. de elemosyn. c. 4. n. 12. Testans se nullum legisse, qui assisteret ad id Clericos teneri jure tantum humano, sed omnes hanc obligationem fundant in jure Divino & naturali. Dissentient tamen intesse, in quamam virtute, & naturali

ratione hæc obligatio naturalis radicetur, Radicari in virtute justitiae docent quorundam negant Beneficiatos esse dominos redditum superflorum, quos sequitur Raiffenstuel à n. 56. Qui fundamentum desumit ex rejectione reliquarum sententiarum, quod reduco ad formam sequentem.

Beneficiati gravissimè peccant erogando superflua in usus non pios, ut immediatè est præmissum ex n. 69. & 70. Sed hujus gravitatis ratio dari non potest, nisi dicendo id esse contra justitiam. Hoc probatur, si enim esset contra aliam virtutem, hæc esset charitas, & misericordia, ut volunt aliqui cum Fagnano insi quis sanè n. 1. h. t. Aut contra virtutem Religionis, ut contendit Lugo de justit. Disput. 4. à n. 16. Aut contra obedientiam secluso omni jure naturali, & divino atque adeo dicta peccati gravitas foret præcisè contra jus humanum Ecclesiasticum, sed nihil horum dici potest, ergo. Minor probatur: non charitas, & misericordia, nam ista non obligat sub mortali, nisi adsint pauperes extremè, aut graviter egentes secundum certam Theologorum sententiam: Potest autem accidere, quod in quibusdam locis nulliter sint extreme, aut graviter egentes, & tamen eo casu Beneficiati peccant mortaliter profanantes notabilem quantitatem reddituum,

Non

Non etiam virtus Religionis, quæritur enim cur tale peccatum sit contra virtutem Religionis. Respondet Lugo, quia bona Ecclesiastica secundum Canones, & Trident. Sunt res DEI, sed contra urgetur, cur sint & vocentur res DEI. Respondet, quia fideles ea dede-rent hoc fine, ut impendantur ad cultum divinum, & causas pias. Contra est, quod hinc rectè sequatur Beneficiatos ex justitia obligari ad sic expendendum. Beneficiati enim acceptarunt sub conditione, ac intentione seu fini intento à fundato-ribus, hi autem habuerunt pro conditio-ne, & fine cultum Divinum, ac causas pias, ergo acceptarunt sub hac conditio-ne, sed acceptans aliquid sub conditione tenetur hanc implere ex justitia ut patet in contractibus conditionatis.

Demum probatur obligationem ex-pendendi in usus pios non posse oriiri ex jure solo Ecclesiastico contra Less. Lib. 2. de just. c. 4. n. 47. Palac tract. 6. Di-sput 1. p. 6. n. 5. Haunold. tract. 4. n. 82. Wiest. de pecul. Clericor. à n. 37. &c. Si enim esset hæc obligatio ex jure merè Ecclesiastico, tunc Pontifex posset hoc jus tollere dispensando, aut consue-dine contraria posset contra præsumtum jus præscribi, quo posito omnes proventus Ecclesiastici expendi possent in convivia, ad ditandos consanguineos &c. Quod est absurdissimum, & contra intentionem fundatorum.

Resp. Cum postremis DD. Obliga-tionem piè expendendi sub reatu mortalis oriiri ex jure solo Ecclesiastico, quia obli-gatio naturalis, & divina non sufficienter probatur, siquidem ejus Anthores inter se discordant, ut vidimus: Deinde Docto-res stantes pro obligatione ex justitia refu-

tati sunt à n. 62. Ubi ostensum est Bene-ficiatos esse dominos reddituum, si domi-ni sunt, nulli faciunt injuriam, et si vanè eos impendant.

Etiam radicem obligationis naturalis esse non posse virtutem charitatis, & mi-sericordiæ benè probat Reiffenstuel in de-cursu sui argumenti proximè propositi.

Quod attinet ad rationem Cardinalis Lugo. Rectè observat cit. Wiest. n. 41. Quod proventus Beneficiales non sint in se res sacra, aut benedicta, uti calices, & vestes sacræ, sed merè temporales, ergo nulla est solida ratio, ob quam nequeat applicari ad causas profanas, sicut est ratio de rebus in se sacratis.

Concedimus fuisse mentem fidelium offertenium, ut oblata impendantur in cultum, huicque intentioni satisfactum est in ipsa Titulorum, seu beneficiorum institutione cum assignata cuivis reddituum portione: assignatio hæc fuit ulti-ma, inquit, Wiest. executio fidelium intentionis, sicut similis assignatur ex redditibus Ecclesiasticis portio pro varijs Ecclesiæ Officialibus ut canore, adituo alijsque Laicis Ministris, quin obligen-tur ex ea residuum ad usus pios ordinare.

Etsi autem fuerit intentioni fidelium satisfactum per erectionem beneficio-rum, &c. Nihilominus sacri Canones & Tridentinum obligavit graviter Beneficia-to, ut residuos Congruæ sustentationi fructus, pauperibus, aliisque pijs causis applicent.

72. Litem Superioris questionis sic componit Haunold. n. 84. ex stimans veram esse sententiam Lugo, quamdiu ex intentione Ecclesiæ hæc bona manent res DEI, & Christi patrimonium, quia ta-men esse res pauperum Christi & DEI sit de-nomi-

nominatio separabilis ab iisdem rebus, ut est manifestum etiam per adversarios concedentes defacto cessare esse sacratas DEO, ac profanari, dum dantur pauperibus cantoribus, praesentibus in chozo, &c. ergo etiam potest præscriptio aut consuetudo ab Ecclesia tolerata (si tamen expedit eam tolerari) inducere facultatem de iisdem testandi in usus profanos, proinde si alicubi est consuetum sic testari (de quo vide n. 68.) tacite videtur Ecclesia indicare, quod velit ut redditus hi permaneant sacri usque ad mortem, exinde autem desinant esse res DEI.

Resp. Me assentiri Haunoldo videlicet per præscriptam consuetudinem rationabilem præscribi posse contra legem Ecclesiasticam non testandi (quam sententiam fusè confirmat tr. 6. à n. 256.) quia hæc est purè humana. Secundò, quod redditus ex sacris fieri valeant non sacri, seu profanari gravibus ex causis, ut bene probat; atqui ex iisdem causis etiam est dispensabile præceptum prohibens, ne in usus profanos expendantur, unde si alicubi sicut testamenta in usus sive profanos sive pios, videndum est, an sit legitima consuetudo, si ita, testamenta valent, si illegitima sunt nulla, utpote facta contra legem ea irritantem, de qua testandi consuetudine vide n. 68.

Si tamen Pontifex dispensaret ut testentur etiam in usus profanos, testamenta valerent, etsi dispensatio daretur sine sufficiente causa, quia legislator potest tollere legem suam valide, etsi illicitè dispensando in ea sine causa, Sanch. lib. 2. Consil. 6. 2. dub. 40. n. 7. Subdene fore sufficientem causam, ut possit testari quis etiam ad profana, si vir nobilis sit bene

meritus de Ecclesia. Deinde ut proxime est insinuatum fructus Beneficiales in se non sunt sacri, sed dicuntur facti quatenus destinati sunt ad cultum divinum, & usum pium ex pia fidelium intentione, hæc autem denominatio utpote fructibus extrinseca est ab iisdem separabilis etiam secundum adversarios. Ex his

Probatur ulterius nostra opinio cum Wiest n. 37. si obligatio expendendi superflua in piis causas foret juris naturalis, am divini, Ecclesia non posset dare facultatem ea instar Patrimonialium applicandi quibuscumque usibus de iisdem testandi, ac Beneficiatis intestatis succedendi, inferior enim nequit dispensare in lege Superioris, atqui Ecclesia potest ex justa causa dispensare sic applicandi fructus de iisdem testandi, ac ut Beneficiatis intestatis succedant, qui de jure alias in Patrimonialibus succederent: defacto enim tribus diversis saeculis à Pontificibus hæc Licentia est concessa non solum Romæ, sed etiam ad decem milliarria per viciniam extra urbem. Videlicet à Sixto IV. Julio III & Paulo V. per n. 68. Hanc testandi Licentiam ad usus profanos ex causa rationabili posse concedi à Pontificibus, concedit etiam Molin. *Disput. 147. Conclusionem* 11.

Eodem loco est relatum quod pluribus in locis vigeat consuetudo de superfluis validè testandi in piis causas, hanc consuetudinem posse legitimè præscribere contra legem Ecclesiasticam vetantem testamenta Clericis Beneficiatis etiam ad causas pias (jus enim naturale hoc non vetat, supposito quod sint Domini) recte probat Haunold. *de jure tract. 6. n. 254.* et si enim notabiliter sit perfectius in vivis se spoliare rebus proprijs in utilitatem alio-

liorum, &c ob majus DEI obsequium; finis enim Canonum irritantium testamento Beneficiorum erat impedire occasionem Thesaurizandi ex fine, ut post mortem habeant gloriosam sui memoriam in aliquo opere magnifico pio, quia tamen hic finis per se est valde laudabilis et si minus perfectus, idcirco consuetudo testandi in opus pium potest esse rationabilis, atque adeò praescribere adversus præfatos canones. Consentit Molin. cit. *Dispnt.* 147. *Conclusione* 6. Censeo ulterius posse esse rationabilem consuetudinem etiam testandi ad causas profanas, ita cit. Haunoldus *num.* 257. Molin. cit. *Conclus.* 7. *Leff.* *num.* 46. Ratio quia sunt Domini fructuum, ergo sicut in vivis validè dispensant eos etiam in profana, et si illicitè, ita etiam validè poterunt dispensare per ultimam voluntatem, hec enim irritatio cum sit juris merè humani contra eam præscribi potest.

Ex dicta *Conclusione* 7. infert Molin. *Conclus.* 8. ubi invaluit consuetudo validè testandi in usus etiam non pios,

si Beneficij decedant intestati, in eorum bona etiam ex redditibus compara succedere eorum hæredes ab intestato, nam non condens testameatum censetur tacite relinquere illis sua, ergo sicut consuetudo validat eorum testamenta, ita eadem validat ultimam dispositionem intestati.

Dixit Molin. *validè* quia *Conclus.* 11. negat hanc consuetudinem esse licitam, eo quod consuetudo contra jus naturale prævalere non possit. Verum cum Doctores nostræ sententiae non agnoscunt ullum jus naturale prohibens fructus Beneficiales expendi in usus profanos, sed merè positivum humanum, rectè deducitur eam consuetudinem etiam licite sic testandi induci posse, eamque defacto introduxit in tota Gallia & Hispania scientibus & consentientibus summis Pontificibus, ita Haunold. cit. *junctio num.* 261. Ex his solutum manet Argumentum Patris Raiffenstuel propositum *num.* 71. ex quo pro Complemento præsentis materia sequentia Subjicio.

§. X.

Quo Ordine in piis causas sint erogandi superflui redditus?

DE hoc videatur infra n. 407.



L

AR-